

67

142

六要鈔

下

東京圖書館				
三	四	六		
冊	號	架	函	類

67-142

六要鈔第六

舊本
新本

當卷大文第六顯明化之身土於中

者題用三者標舉三者正釋四者總結初於

顯自分三准上題目之中言方便者是對真

實化身土者對真佛土真化相對五六成次

撰號如前標舉之中並舉二願○至心發

願是第十九之誓願也○邪定聚機者問今

所言者淨土正機往生極樂之行人也何云



邪聚答疑端所來誠以為難但試會之觀經
九品衆機之中其下三品是正實機而彼三
品或說應墮地獄或說應墮惡道斯乃為顯
定業能轉奇特之益且約遇善以前之機云
邪定歟是故下云觀經意也雙樹林下往生
者問其意如何答雙樹林者狗尸那城跋提
河邊大聖釋尊入滅砌也是則化身入滅處
故於明化土舉此處歟○至心廻向第二十

之本誓願也○不定聚機者問淨土真宗所
被之機偏願極樂必得往生須言正定何因
謂之不定聚乎答三部之中且依小經長時
起行為其本意臨終來迎為其所期起行若
懈所期難遂對至心信樂之機平生業成必
得往生邊為示勝劣稱之且云不定聚也○
難思往生者問其意如何答是又同對第十
八願至心信樂決定往生難思議義為之難

往原古
二本無

思議字有無可有差別淺深應知問三種往生之名目者出法事讚今所出義正爲彼讚所明義乎答三種往生謂其名目出彼事讚今分別意又任彼釋更無異論但於其中或約三經或約三聚此集料簡愚解未覃今集主意配當定叶其教旨歟仰可信之三正釋者自長行初至當卷末引論語詞是其文也是於一部分其三段終正宗分當此正釋四

總結者同次下云竊以已下是其文也是又三段判釋之時云流通分其文是也此正釋中分以爲二一自文初至之願也粗標當願所起大旨二是以下正引諸文初中有二先標後釋○謹顯等者是其標也○佛者等者是其釋也問弥陀報化諸師今家異解是也天台淨影以下諸師立化身義高祖大師破彼等義引諸經文存報身義謂其所論本是

觀經真身佛也而如令者併同他家諸師謬
解忽背今師指定正義已云真身何屬化身
是一大事最要法門具預宣說欲開疑滯蓄
其誠信答寔是大要尤可開解解有二義一
云真身觀佛為報身義置而不論但今釋意
別願酬因報身土者身是念佛三昧教主土
又乘願所入土也而彼真身之佛躰者先約
觀門所說身故雖有真實色身之名若望念

佛所見之身猶帶方便依此義邊為化身歟
二云言真身觀佛是也者此非指彼真身報
佛謂之化身指真身觀真身所共之化身也
真身本佛約其觀門所見邊時雖屬化身約
彼念佛衆生攝取不捨益時其實躰者是報
身也今化身者所謂經云於圓光中有百萬
億那由他恒河沙化佛已指此化佛言真身
觀所說化佛非其真身則化身也此佛則是

下九品中來迎佛也。因茲玄義引同性等三經之文證報身義。引觀經文即釋成云報身兼化共來授手。此釋之中言報身者真身本佛言兼化者彼所共之化身是也。尋云此義有疑然者可謂真身觀中之化佛乎。答上標謹顯化身土者。其下釋故不重牒耳。問二義之中何為正乎。答二義並存各以有義所用。且在學者之意。但第二義可稱穩便。土者

等者問所言觀經所說土者十三定善所觀淨土并九品土共化土。歟。答總標觀經無分別言是故可云共化土也。問共以有疑先就定善所觀淨土其土教主已是真身其真實身所居之土即應真土何化土乎。次就九品極樂世界是弥陀佛本願所成之淨土也。言九品者於其淨土所建立也。弥陀淨土為報土者何言九品非報土乎。抑九品外有何淨

土得報名哉答弥陀本願所成之土判爲報
土一家定判不及異論但九品土報化分別
高祖大師解釋未決諸流面々異義皆在末
學料簡是則諸師異解區故各任意樂又就
本習依彼用此而集主意以觀經土判爲化
土九品之土是爲其攝凡真報土唯是一種
不可思議真妙土也但亦就言九品是化聊
有通局言總意別所以然者於九品中上品

上生之一品者是真土也是則名號所入之
土三心具足得生土也真化諸土皆悉攝在
九品中故總云九品下之八品假立土也故
帶九品名言邊者是屬化土離其名目只是
一種退謂所標之一種者當彼上品上生土
也可分別之凡九品中上六品者約大小乘
修善之別下三品者約輕次重造罪之異加
之花開遲疾差降花開已後得益不同皆是

善惡因果配立自力修入之說相也斯乃餘
行非佛本願麁劣行故不生報土今九品相
皆是邊地化土相也稱名念佛必生報土此
是如來本願故也弥陀如來酬因願身極樂
淨土酬因報土念佛三昧宿願之行必生本
願所成報土其報土者本論所說二十九句
莊嚴功德第一義諦妙境界相是其土也平
等覺經名土言無量光明土淨土論說土名

是下原
本有皆
字

言蓮花藏世界同論又說土相言究竟如虛
空是真實報土之相唯稱佛名所入土也問
上六品者依受法異分其階位且屬化土其
義可然下三品者共行念佛隨而十惡破戒
五逆造罪之機只依一聲聞名十念臨終遇
善得生淨土以之為奇依之餘人皆言報土
何言化乎答彼下三品既說多劫會花之相
此非正覺華化生相是假立也約此義意雖

意古本
作義

修念佛是為自力起行，往生故。下上云：聞三寶名，即得往生。上比釋云：法僧通念，亦得去也。上比若約報土往生之義，多劫胎生，是可假立。則云：十劫須臾，不覺盡等，蓋其意也多劫花開縱非實義，假立相者是化土也。是故約帶九品名言之義，邊者可屬化也。○復如等者，懈慢界相如下所引。○亦如等者，問疑城胎宮是同處歟，是別處歟，又此得名其意如何。

答是同處也。疑惑行者所止城，故謂之疑城。簡彼化生，謂之胎生，則此胎生處宮殿，故言之胎宮，則邊地也。大經下云：汝等宜各精進，求心所願，無得疑惑。中悔自為過咎，生彼邊地七寶宮殿，五百歲中受諸厄也。上比是誠行者，依疑惑咎，生彼邊地宮殿，失也。又同下說化生胎生得失之相如下所引。自其胎生至雖有三十餘行處，處畧故有十七行。問今此邊地報土攝歟，答

集主之意判爲化土報土外也若報土者當
卷之中不可明也問自餘諸家皆言邊地在
報土中是則大師定判唯報非化故也何背
彼義云化土耶答諸家所立匪所是非大師
定判誰不依憑但今唯報非化之義自他領
解其意相異今所言之唯報非化諸師所判
或云報身或云化身或又云通報化二身異
義萬差不一爰故不依彼等蘭菊異義今正

爲顯指定實義偏所定判報身義也是則指
彼名號所入之土釋云則是酬因之身乃此
意也謂之唯報謂之非化言然非謂於弥陀
佛無應化身有化身者可有化土三經所標
既說彼佛有其化佛何無化土一切諸佛皆
具三身弥陀一佛豈無隨類應現身土問九
品邊地共化土者是同處歟答集主之意共
雖屬化未判同異諸師之意或以邊地接三

輩內或以胎宮爲九品外依爲異解同異轉以難定故耳問大師釋中解此事耶答宗家釋中同異不明於宗家釋中學者各存異義者也問諸師之中何師令立何義趣耶答鸞師所立存各別義故略論云又有一種往生安樂不入三輩謂以疑惑心修諸功德比元曉同之謂彼釋云生邊地者即是一類非九品攝比法位又同寂存同義彼義記云受胎

生者在何品中依舊兩本皆說在於中下品中乃至雖起疑惑然不誹謗帶疑惑心修功德故雖生彼國而生在邊地於五百歲不能見佛聞法修行如在胎中無所見聞是故說名受胎生也比興師又同舉諸師釋各破其義遂成自義彼疏釋云有說更有往生而非三輩謂下文中疑五智人疑惑心中修諸功德亦信罪福少修善本願生彼土以信不定故

非前六少修福故亦非後三由此不入九品
所攝此亦不然帛謙皆云中輩之人狐疑不
信雖生彼土在其城中於五百年不見佛不
聞經不見聖必不可言疑智凡夫不在九品
故有說不決曰疑雖生彼國而在邊地別是
一類非九品攝是故不應妄生疑惑此亦不
然二經所說中下之屬所止寶城既五百年
應如此經疑智凡夫所在寶宮亦是邊地故

不尔便違經云所居舍宅在地不能令隨意
高大在虛空中復言阿彌陀佛其大違故有
說疑佛智人即此中輩觀經中品故帛謙經
中辨中輩云持戒布施飲食沙門作寺起塔
後疑不信其人暫信暫不信續倍其善願得
往生雖生彼國不得前至無量壽佛所遙見
佛國界邊自然寶城於五百歲不得見佛聞
法故不應非法護經中疑佛人故此亦不然

帛謙下輩亦在路城於五百年不得見佛如
何疑智唯在中輩而非下耶若言中輩疑智
修因相似故雖屬中品而非下者亦可下輩
受果似中品故攝疑佛智果雖相似不攝疑
智因雖復同何容疑智又彼所言九品之內
屬於中上理必不然觀經中上此經疑智花
開見佛聞法獲利皆不同故若言中上自有
多種故無此過者若不中下亦有多種故攝

疑故今即疑佛五智中下下々二生所攝由
此帛謙後之二輩皆言在城於五百年不得
見佛聞法見聖故若三輩若九品皆無寬狹
攝往生盡比同師又釋經說胎宮云百由旬
五百由旬之義意云百由旬者即下輩疑佛
所生之宮五百由旬者則中輩疑智所止之
宮比此師之意三輩之內攝胎生也問所出
之釋皆約三輩不云九品如何答三輩九品

同原古
並作目

同異之義雖有異解選擇集意既存輩品開
合之義故無相違而有等者舉其願名其願
名中修諸功德約其同行臨終現前約其利
益靜照所立現前導生其意是同智光御廟
共立此名但四字上又有行者命終一向來
迎引接其意又同真源名云聖衆來迎彼約
所與今約能與能所雖異共以來迎爲其願
意至心發願約心願耳正引文中先舉願文

○發菩提心者問菩提心者安心起行之中何
耶答若依導家意在起行若安心者未發心
人不可生故隨而黑谷選擇集中判屬起行
所謂三輩念佛往生章中釋云捨家棄欲而
作沙門發菩提心者是助行也亦是能助也
此又云謂此三輩中通皆有菩提心等諸行
上若依鸞師是應安心謂論註云三輩生中
雖行有優劣莫不皆發無上菩提之心此問

二師之釋其義各別可_レ依何耶答可_レ依_レ導家
黑谷又屬起行故也○修諸功德是起行也
菩提心別諸功德總_レ別合云發菩提心修
諸功德至心發願是安心也○言假令者有
云不現非實故云假令今云不_レ來迎假益
故云假令當卷下云佛心光明不_レ照攝餘行
者也假令之誓願良有由哉假門之教忻慕
之釋是旃明也_レ問來迎是爲行者所期何

云假益答此有二義一云法事讚云淨土莊
嚴諸聖衆籠々常在行人前_レ觀經說云無
量壽佛化身無數與觀世音大勢至常來至
此行人之所_レ已又同經中說念佛益云觀世
音菩薩大勢至菩薩爲其勝友_レ散善義釋
此經文云專念_レ弥陀名者即觀音勢至常隨
影護亦如親友知識也_レ故佛菩薩雖在眼
前煩惱鄣蔽不能得見而命終時_レ至顯現

非始來也。凡彌陀佛依有名躰不二道理稱其名號則具佛躰花座觀云應聲即現證得往生蓋其義也是故心行具足行人臨命終時當稱佛名佛躰則現非從外來約此義理謂之不來但以顯現是名來迎釋文顯說常途談耳。二云法事讚云一坐無移亦不動般舟讚云一坐花臺未曾動此是顯真實報身相也故言來者只且所應迷情方便是非實

義故涅槃云我實不往彼亦不來慈善根力見如此事比准之可思但對期來迎之機必可感應若約所達至理之機不可必來而不來不來而來更無所違莫拘偏見深可思擇又群疑論第二卷云問曰金剛般若言如來者無所從來亦無所去故名如來維摩經言我觀如來前際不來後際不去今則不往文殊師利言不住亦不去不取亦不捨遠

離六入故敬禮無所觀准此大乘諸聖教說
佛本不來亦無有去何因觀經說有化佛來
迎隨化佛往有來有去與前經相違釋曰甚
深實相平等妙理法身如來本無生滅以佛
本願無限大悲接引衆生從真起化十方世
界如來引接三輩九品以化則真不來不去
隨機應物有往有還前經據化身則真說無
來去觀經據從真流化現有往還又西方有

釋言實無有佛從彼西方而來至此授手迎
接亦無有佛引彼衆生往生淨土但是如來
慈悲本願功德種子增上緣力令諸衆生與
佛有緣念佛修福作十六觀諸功德力以爲
因緣自心變現阿彌陀佛來迎行者隨佛往
言彼佛遣來不是實遣但是功德種子與所
化生時機正合令見化佛來迎故言彼遣而
實不遣阿彌陀佛悲願功德湛然常寂無去

不來衆生，識心託佛，本願功德，勝力自心變
化，有來有去，迎接行人，見有往生，是自心相
分，非關化也。比○大衆等者，舉所與衆，大阿
弘陀經說，有菩薩聲聞，二衆彼經說云，我即
與諸菩薩阿羅漢，共飛行，迎之，比平等覺云，
我與不可計，比丘衆飛行，迎之，比如來會云，
我令無數苾芻，現前圍遶，來迎彼人，比下之
二經唯說比丘，問所與之衆，何不同乎？答大

經原古
二本無
令原古
並作益

阿彌陀經約上品生，自餘二經約中品生，且
說之歟，或又故說所與不定，顯其來迎假令
義歟，問何標所與，無能與耶？答有所與者可
有能與，理在絕言，隨而異譯，經等之中，皆有
我字，是能與也，舉其所與，必有能與，彌陀佛
也，次悲花經，其文大同，次此願，下一行餘者
私御釋也。○觀經等者，問九品之行，是散善
也，何云定散？答總標定散，其二善中，別舉散

善之中九品三輩九品爲一機故標九品也
次大經文明道場樹問道場樹者既是極樂
淨土道樹定是可報何屬化耶答此道場樹
與佛身量不相應故諸師各作種々異解其
中興師存佛身報此道場樹爲化土義又玄
一師設三義中初義同之集主之意依此等
義判屬化也謂興師云又無量壽佛至隨應
而現者述云第二辨道場樹有三此初道樹

昇相也一里三百步故四百萬里十二萬由
旬應知前菩薩小土見道場願而所成也有
說隨彼佛身高六十萬億那由他恒河沙由
旬以佛神力故縱小道場樹不相妨導若介
所餘宮殿不應各稱其形大小故今則彼經
佛量既他受用身故此道樹則化土故不相
違也二十萬里者六十千由旬應不稱其本
量故又有云二百萬里蓋是正也上巳玄一師

云觀經所明佛約他受用門而顯殊勝此經所明樹約變化邊故無相違謂若變化身者短於樹故二云佛德不可思議彼廣長身蔭於一尺樹於佛非難况四百萬里者也三云此云四百萬里者佛頂已上去佛足量若辨佛身相稱之長則是六十萬億那由他恒河沙由旬有餘四百萬里也亦可彼佛尺出於所計四百萬里上已○文中高四百萬里者於

此樹量經說不同寶積經云若百千由旬而彼寶積願成就云高十六由旬如願文者言百千者是當十萬則是一億成就文言高十六億由旬者倍其上量十萬億也會此相違言百千者非指十萬只標數耳又悲花云縱廣正等一萬由旬異譯意別不須和會○月光等者摩尼珠中有其多種月光持海共是其攝○而莊嚴下阿難若上言乃至者自周

而條至無惱患九行是也彼文之中猶明樹相又明樹德言其德者見聞獲利自土他土得益等也繁故畧之○次阿難下列得忍別○次此皆下明得忍由興師言之本願獲利就此經文所設興釋在第二卷仍新未中粗加愚勤依此佛力所得益故令三法忍彼卷之中雖不被引同註解訖○次乃至者佛告之下至爲第一五行餘也彼文之中嘆極樂

界寶樹伎樂音聲先舉餘樂比按顯勝後嘆極樂世界伎樂繁故且略次所引之○又講堂下是明宮殿自文之初至云化成明宮殿相○言講堂者是說法處下卷說云七寶講堂廣宜道教則此處也○言精舍者則寺名也復以以下至蓋其上明莊嚴相○真珠等者舉能莊嚴一義云真珠即明月珠今加愚案真珠是總明月別歟○言摩尼者是別珠

也故法華云真珠瓔珞摩尼珠瓔珞上○言
衆寶者言摩尼等之衆寶也一義云明月珠
者則摩尼也摩尼之中有明月珠明月珠者
即上所言月光摩尼千手經說日精摩尼月
精摩尼其月精者則此珠也內外以下明寶
池相○言內外者今此寶池在于宮內在于
宮外故云內外此義見彼平等覺經大阿弥
陀經○或十等者是明浴池深廣不同各皆

等者隨池分量縱廣深淺皆同池量十由旬
者縱廣亦同乃至池量千由旬者縱廣復等
○八功德者是明池水有其八功德是故稱
云八功德池八功德者定善義云一者清淨
潤澤即是色入攝二者不臭則是香入攝三
者輕四者冷五者軟則是觸入攝六者美是
味入攝七者飲時調適八者飲已無患是法
入攝上今言清淨香潔甘露八德之中且舉

第一二六德也問所言講堂精舍以下何屬
化土答其真土相究竟如空不可具見不可
具說不可說之妙境界也如此莊嚴皆是有
相為引他方九聖類也仍屬化相則經文說
正言化成化字宜思宮殿等然寶池准之次
所引者同下卷文是說化生胎生之相顯明
佛智信疑得失之誠說也於當段中所引之
上所除之文餘二十行佛告阿難汝起以下

是其文也彼所除者如來告命阿難對曰并
所見等今所引下正所說也○其胎等者問
胎生邊地同異如何答是同處也鸞師所造
略論釋曰安樂國土謂之邊地亦曰胎生邊
地者言其五百歲中不見聞三寶義同邊地
之難至乃邊言其難胎言其聞上比○或百由旬
或五百由旬者見上所引與師釋也○今時
慈氏菩薩以下具說胎化二生因果○不了

等者畧論委釋宜見彼解鸞師之意佛智爲
總次四爲別法位師意不思議等四智如次
配大圓鏡智等之四智元曉師意逆次配當
又憬興師以佛地經所說五法立爲五智所
謂清淨法界以爲初之佛智大圓鏡等如次
配彼不思議等之四智也又玄一師佛智如
前以後四智逆對成事等之四也○言乃至
者於此經文略有五處或似重說讓其前文

或恐繁故除非至要○佛告彌勤譬如等者
爲示胎生不可樂義先說譬喻○此諸等者
是合譬也○生彼胎者本云宮殿今云胎宮
經異本歎定善義中判云胎宮言胎生者宮
殿故有此等名問生疑惑機宮中必滿五百
歲耶答如經文者處處皆說經五百歲先可
云滿但嘉祥云明不必一種若能悔則出不
悔必滿五百歲○失大利者不見三寶名

六要錄卷六
之爲失次如來會文言大同○汝觀殊勝智
者等者指信智人大經說言彼化生者智慧
勝故比故云殊勝智者而已於導華者導異
本歟蓮字爲正下劣輩者指疑智人大經說
言無有智慧疑惑所致比是其人也次大經
文是說菩薩乘彼佛智往生文故次下引之
彼明此土他方菩薩往生其中今說此土之
中最下淺位往生文也○諸小行者是指十

信外凡之位對上說云不退故也其不退者
是則三賢不退位也問何除上位不退菩薩
之往生哉答彼文在干第三卷末故略之歟
次所引文又者如例問今之二文說信佛智
往生菩薩是化生也於當卷說胎生化生往
生之中何引之耶答經文所說信疑化胎更
互相對顯其勝劣是故引之次宗師釋是地
觀中解必生彼國心得無疑之文釋也○會

六要錄卷六
花等者是明疑心往生之相蓋雖有疑猶得
往生佛大悲故雖得往生此是化土非本願
故邊界宮胎名異處同○言邊界者是顯化
土非其報土○言宮胎者是顯處宮處胎之
失唯是綺言示得失也言其得者是得往生
言其失者非報土耳次憬興釋是又意同疑
佛智者雖是罪咎生淨土者佛大悲心也而
雖得生在其邊地不被聖化是疑惑失信疑

別故報化又異胎生之失可重捨也次要集
文明懈慢界下卷釋也處胎經者一部五卷
或為四卷或為八卷竺佛念譯○言乃至者
國土快樂作偈以下二行餘也彼明土相強
非要故今略其文感師釋者彼○群疑論七
卷之內今所引釋在彼第四指導師釋言前
文者集次上云導和尚云若能如上念念相
續畢命為期者十則十生百則百生若欲捨

專修雜業者百時希得一二千時希得五三
已今此釋者往生禮讚前序文也論所引者
取意文故其言聊異彼釋文云善導禪師勸
諸四衆專修西方淨土業者四修靡墜三業
無雜廢餘一切諸願諸行唯願唯行西方一
行雜修之者万不一生專修之人千無一失
已○自助成者則云此經下文以下是其釋
也○生極樂下又報淨土上言乃至者集置

此言所略之文七行餘也彼解釋云妙符隨
願往生經旨經言娑婆世界人多貪濁信正
者少習邪者多不信正法不能專一心亂無
志實十方淨土無差別今諸衆生專心有在
是故讚嘆彼國土耳諸往生者悉隨彼願無
不獲果故知雜其行墮於懈慢之邦專其業
生於安樂國斯乃更顯淨門專行而得往生
豈是彼國難往而無生耶哉學徒不可有不

專其道也。已○次介者，下私御釋也。此自解，
意專明，定散諸善之業，非佛願，故不生報土。
而說諸善，是爲念佛三昧方便。○念佛證據
門中，第十八願者，要集所明十門之中，第八
之門，下卷明之於彼門內，出十文中，第三所
舉十八願也。○顯開等者，問今具文云四十
八願，中於念佛門別發一願，云乃至十念若
不生者，不取正覺。比彼此二文，唯云別願二

重之別，有何據乎？答念佛門者，諸善之中，爲
其別門，而於念佛其言可，且觀念并諸佛名
今顯選擇本願，稱名以之爲別，故有二重選
擇集，釋其意又同，謂以當願爲願主，是例如
觀經唯言頓教，黑谷觀經講釋中云，頓中頓
也。○觀經定散諸機等者，同證據門第四文
也。次問答中，問意可見其答之中。○言釋家
者，導大師也。今就觀經被述自解。○顯彰等

者問於顯與彰有何別乎答今釋之意顯帶
方便彰標實義隨勘字訓顯廣韻云呼典切
明著玉篇云虛典切明也彰廣韻云潛良切
明也玉篇云諸揚切明也彼此字訓雖似無
異如宋韻者明上云著明々義歟軼唯云明
是故顯屬分明顯示之義彰字聊屬隱示義
歟分別之釋非無由耳○言緣達多闍世等
者如第一卷○彰釋迦微咲素懷者經云尔

時世尊即便微咲上序分義云此明如來以
見夫人願生極樂更請得生之行稱佛本心
又顯弥陀願意因斯二請廣闡淨土之門非
直韋提得去有識聞之皆往有斯益故所以
如來微咲也上已問言二請者上欣淨緣之別
去行思惟正受二請是也其二請者是在定
善其定善者非佛本願何稱佛心為微咲由
答觀經所說定散弘願之三门也而說定散

爲顯弘願選擇集云又說定散爲顯念佛起
過餘善若無定散何顯念佛特秀例如法華
秀三說上若無三說何顯法華第一故今定
散爲廢而說念佛爲立而說上已故請定善顯
隨他教其定善外佛開散善應散動機其散
機中猶有不堪廢惡修善佛爲其機說念佛
行依是義故初所微咲雖約定機佛之本懷
遂在念佛今此解釋顯此義也○因韋提者

別所求意經文及以序分義釋如第一卷鈔
中所出可見彼文○教我等者問今此文者
欣淨緣下通所求也未關西方何云本願成
就土耶答元自所言此一段者今師聖人已
心領解隱彰意也通別所求十方西方轉入
教義更非可濫故今所指雖且十方遂其所
尅志在西方故從本意釋之無過暫遊心於
常途所談教門之外可信深意徹到趣也○

教我思惟等者問窺大師釋思惟則是觀前
方便正受則是約觀成位而今料簡於釋思
惟雖云方便不云定前其意不詳又解正受
何云金剛真心也耶答此義乃又隱彰意也
先釋思惟不言觀前不分淺深只顯定善爲
方便義如來方便答請隨他之教故也次以
正受配真心意定散弘願次第轉入觀經密
意此乃散動根機定善不堪之時行彼散善

於其散善廢惡修善難成之時終皈念佛正
得往生見佛之益故就落居如此釋之○諦
觀彼國淨業等者問序分義釋解此文云正
明凡惑障深心多散動若不頓捨華緣淨境
無由得現此則正教安心住行若依此法名
爲淨業成也上如此釋者如所教之心行觀
修名淨業成是約能觀而今相違有二何者
一先約所觀二縱爲所觀云彼國故可爲依

六要錄卷六 正報
報何約正報答疑難一往似有其理但序分
釋且就觀門論業成故依此方法如說修觀
名淨業成故約能觀道理宜然但有能觀定
有所觀今就所觀所設料簡其義不違隨而
彼釋既云淨境無由得現故以觀成境現為
詮而其觀法實難成故遂乘弘願見佛往生
可實益故以其義邊有此自解是故約其所
觀無咎次所觀中可有主伴故先約主則今

釋中既云淨境々々之中廣含二報是故諸
師多存此義謂淨影云汝觀彼國勸觀依果
淨業成者勸觀正報諸佛菩薩及與三品往
生人等名淨業者上已又龍興云諦觀彼國淨
業成者如其次第觀二清淨謂器世間清淨
衆生世間清淨上已又元照云淨業成者總目
彼土依正二報上已今之所述旁非無據所言
淨境真實報土其教主者是盡十方無尋光

衆下原
古並有
生字

佛故云尔也○言廣等者問今以定善名爲
衆譬有何證乎意又如何答序分義中不釋
此事但淨影云以此方日水等相并以此方
佛菩薩像類度彼方名爲衆譬上已又元照云
極樂境界衆未識以物比擬故云衆譬上已此
外諸師各雖設釋大概無異故不悉舉其證
如斯義意粗見此等解釋○汝是凡夫心想
等者序分義云韋提實是菩薩假示凡身我

等罪人無由比及爲斷此疑故言汝是凡夫
也上已般舟讚云韋提則是女人相貪瞋具足
凡夫位上已縱雖大摧令約凡教發起本意以
謂凡夫爲淨教致故有此釋○諸佛如來有
異等者問玄義分云日想水想冰想乃至十
三觀已來盡名異方便上已如今釋者異方便
言偏在定善何言定散爲方便乎答經文說
言異方便者正指定善故釋十三是故釋云

生古本
作舟

方便由序言方便者十三定善言由序者示
觀緣也但大師釋異方便言雖約定善再往
論之可通十六故般舟讚述此義云定散俱
廻入寶國則是如來異方便上玄義釋者任
經顯說般舟讚者探佛密意今家依彼生讚
釋也○以佛力故見彼等者釋云此明夫人
領解佛意如上光臺所見謂是已能向見世
尊開示始知是佛方便之恩上比彼約釋迦此

存弥陀彼被見土此在往生准據示之故云
顯意○若佛滅後諸衆等者釋云正明夫人
悲心爲物同已往生永逝娑婆長遊安樂上已
又云此明夫人舉出苦機此等罪業極深又
不見佛不蒙加備云何見於彼國也上比如來
大悲本被未來故於往生爲正機也○若有
合者名爲等者像觀意也問當觀釋云從今
與修多羅合下至見極樂世界已來辨觀邪

正之相_レ比何_レ為_レ定觀難成證耶答辨邪正者
意在難成修觀之人未_レ必_レ悉應_レ合修多羅若
不合者則妄想也難成之義其意可知○於
現身中得念等者是又像觀之結文也問今
所言之念佛三昧觀稱之中指何法乎答念
佛三昧兼且觀稱觀念三昧約真身觀々成
之位稱念三昧則同觀念所詮之法念佛衆
生攝取不捨之益是也彼觀所詮攝取不捨

是為_レ弥陀願意宗旨集主聖人深達其義有
此釋也尋云當文釋云正明尅念修觀現蒙
利益_上比尅念等者是指當觀現蒙等者指下
真身只就_レ觀門所釋之也何約稱念答於云
現蒙利益之言有其重々初修像觀次得真
觀得真觀後取攝取益蒙其攝取在稱念故
廣引_レ三經成為稱益今釋專顯經極致也○
發三種心即便等者明信心人必得往生其

往生者是報土也○復有等者定散諸機世
戒行人復有往生但化土也○依此等者明
於三輩各有三心即上所言復有三種衆生
往生是也○良知已下至云可知是辨兩經
所說三心依顯與彰有異同也○尔者等者
引證成義所引釋者序題門釋問為成三心
一異之義今引此釋其意云何答教主世尊
開定散門弥陀如來顯其弘願而言弘願引

大經說當知觀經所說之義只是定散雖說
三心未必念佛他力安心廣且定散自力安
心約其意趣兩經是異又所言之別意弘願
正在觀經第七觀之住立三尊約此義邊兩
經是一故所引也○又云今此觀經等者宗
旨門釋言觀佛者真身觀意是則攝心觀想
彼佛相好光明及依正等○言念佛者於同
觀意選取稱名是則皈入念佛衆生攝取不

捨本願宗源問觀佛念佛一法異名故念佛
名通觀與稱是諸經論之通例也何爲兩宗
答此是淨土不共妙談如彼諸教通途談者
正助未別今分觀稱々名正業順佛本願觀
行助業非佛本願就立此門有兩三昧問於
觀佛者觀若成者則可見佛故稱三昧其義
可然於念佛者散稱之行不得見佛何稱三
昧答縱雖散稱繫心一境聲々連注功行積

統原古
並作統

累得念佛定可得見佛觀念門云口稱三昧
蓋此義也又現身不得念佛定人臨命終時
必可見佛約當得益豫名三昧是則因中說
果義也宗者妙樂大師釋云宗猶尊也國無
二主上又度律師以三義解所謂獨尊統接
飯趣之義是也問宗爲主者何有二宗答若
依釋迦定散要門真身觀佛爲其宗旨觀佛
三昧爲宗是也若依弥陀別意弘願念佛衆

生攝取不捨為其宗旨念佛三昧為宗是也
而依流通附屬之意念佛為立而說定散為
廢而說若依此義遂皈念佛三昧一宗故獨
尊義無所違諍是則又約隱顯義宜得其意
若依顯義有兩三昧若依隱義唯一宗也○
一心等者是明其躰此有二義一云一心廻
願是約觀佛往生淨土是約念佛二云共顯
念佛之躰觀佛三昧遂可廢故不立躰也○

言教等者明其教相言二藏者三乘教也聲
聞藏者是小乘教以緣覺乘攝此藏也斷道
同故菩薩藏者是大乘教異二乘故此二藏
名本出智論專三論宗用此名目宗家大師
又依用之龍樹菩薩為高祖故○言二教者
於菩薩藏所分別也次所引文序分義釋々
如是句有三重釋悉被引之初約定散在文
分明言定辭下別釋云言無錯謬蓋其意也

○機行等者釋名門云定散隨機義不零落能令修趣之者必藉教行之緣因乘願往生證彼無為之法樂上已是又可有隱顯之義依顯說者定散之機各修已行預其利益依隱說者定散之機各乘佛願得往生益是宗旨也次約弘願○如眾等者以稱名行為佛本願如眾生意令生淨土故定善義解雜想觀神通如意之文有二其一釋云如眾生意隨

彼心念皆應度之上已則其意也後約諸教此釋中有十雙二十重其文可見次所引文顯行緣釋○機有等者定散雖為所修之行望佛本願意在專稱故其定散只是機分是故二機共皈佛願可得往生故云眾生機有二種一者定二者散也○顯開等者此釋就云若依定行則攝生不盡是以如來方便顯開三福以應散動根機竊伺宗旨次可言於

散動機亦有二種善人惡人若依三福攝生
不盡故佛顯開弘願一行應其惡機於其惡
機亦有二種長命短命上盡一形七日一日
乃至十念皆是以應長命之類乃至一念聞
名往生應短命機是佛大悲不漏衆機之深
要也次所引文三心釋也問此三心釋第三
卷初既引用之何重載哉答彼此所引互有
除取即第三卷雖載自利々他標釋不引細

釋是故令具引之等也但雖不引其本文詞
爲知前後私聊解之載在彼卷所謂總約捨
惡修善別約三業明其欣厭又就善惡解真
實義是大意也是即諸機自力心也因茲名
之自利真實於彼利他真實心者先雖標之
不釋其相蓋是如來利他之心則上釋中言
凡所施爲趣求之義趣是也○言乃至者除
至誠心之中所言不善三業必須以下并深

心中機法二種信心之釋七行餘也彼第三卷引用之故今略之耳○又決定深信釋迦佛等者問此釋同在第三略一段文何強引用此一文耶答除彼取此不必一准但非無由機法二種之信心者真實信心暫約定散二種之機雖宜說之遂同如來利他三信今觀經中所說定散正是非彼報土所生真因以此義故當卷引之表為化土生因者歟○

次乃至者又決定深信弥陀經以下至云往生之大益也二十行也是又同為第三卷之所引故也○次又深信深信者下二行餘者第三卷中所引殘之解釋初也故今引之次○乃至者四重難破以下至就人立信也五十七行有餘是也四重難答雖不可除第三卷中略初三重及四重初中間以下簡要文言六十行餘引用既訖是故大概讓前畧耳

○言次就行立信者下至名為正六行餘者
第三卷中除故引之○又就此正中下至言
悉名雜行明往生行相文彼卷中雖引之若
修前下至言雖可迴向得生明二行得失文
彼卷除故今具引之委舉二行為令識知其
得失也○三者迴向發願等者於此心中有
三重釋今所引者是其初重迴因向果自力
心也是故當卷故被引之下之二重迴思向
他力故也

道廻入向利第三卷中既引之訖彼二重約

他力故也

六要鈔第六

舊本
新本

六要鈔第六

舊本
新未

次言不云定善等者序分義文即七緣中第
 六第七兩緣名也問云何故略出二緣名乎
 答前所引之三心之中第三之心所云隨喜
 過去今生一切凡聖三業所修世出世間善
 根等者是定散也是故散善為佛自開顯往
 生行定善答韋提請示往生觀此定散機各
 歸他力得往生益今表名題蓋其意歟問如

本書者顯行在前示觀居後今何前後答序
分說相夫人之意先依當機雖請定善如來
爲攝一切諸機先開散善後示定善正宗說
相先應請問後顯自開今就正宗說相次第
前後如此次一句者散善義奧後序文也淨
土要者有其二意一要門義即定散也二要
法義即念佛也如事讚云故使如來選要法
也即真要義是爲本意次所引文往生禮讚

前序文也三心之釋粗同疏釋故不別解言
乃至者深心釋也問此中何略深心釋乎答
深心之釋第二卷中載智昇釋既以引之故
今略之次○乃至者所明五念四修文也○
又菩薩下至足應知明四修法之結文也上
正所明彼四修法之文意云一者恭敬修恭
敬禮拜彼佛及彼一切聖衆等二者無餘修
專稱彼佛名專念專想專禮讚彼佛及聖衆

等不雜餘業三者無間修相續恭敬禮拜稱
名讚嘆憶念觀察廻向發願心々相續不以
餘業來間又不以貪瞋煩惱來間隨犯隨懺
不隔念隔時隔日常使清淨四者長時修畢
命爲期誓不中止取已上問四修法者論藏等
論深位菩薩所修法也謂俱舍論二十七云
一無餘修福德智慧二種資糧修無遺故二
長時修經三大劫阿僧祇耶修無倦故三無

間修精勤勇猛刹那刹那修無廢故四尊重
修恭敬所學無所顧惜修無慢故上此論文
與宗家釋義相違非一無餘修者彼約福智
資糧圓滿無遺餘義此約一行無雜餘義長
時修者彼約三大阿僧祇劫長遠之義此約
一生畢命之期何相違乎答論說雖然就今
修行隨義轉用即今所引已勉等者顧彼論
說所設釋也所作善法已下三句約自利行

此中會容無餘無間尊重三修教化衆生已
下三句就利他行約長時修然今等者彼大
菩薩四修之行今時煩惱繫縛凡夫修行分
絕只發迴願往生之心明於一生一行分具
四修義也到彼以下明論藏等所說四修於
彼淨土自然任運具足益也○又云若欲捨
專等者判雜修失之解釋也問本書文中具
舉專雜二修得失今之所引略失出得有何

意耶答第二卷中引判得文當卷之中引判
失釋兩處相照令知之也就中雜修化土因
故此卷引之○乃由雜緣亂動等者舉十三
失於中初四翻對四得可知其義如第二卷
新本鈔解第五以下自此四中開出應知問
第五之失云係念等第六之失云憶想等有
何差別答係念等者是約初心憶想等者約
後心也問今所出失是至第九不載第十以

與原古
並作與

下之失有何由乎答無別由歟云專修得既
出四種仍雜修失不出四種是故四失十三
之失只開合異以之言之四失之外廣略引
用須隨時歟雖然猶強求其由者非無其要
謂第九失就云無有慙愧懺悔出與釋文明
懺悔相示其懺悔不關煩惱賊害劣機終顯
真心徹到勝利其徹到心即至誠心即顯三
心發得義也是大要故爲次前後懺悔文義

略自下失引具懺悔之釋文耳○言乃至者
自前序終至六時下所引文前省略故也○
上中下下分別釋也三品懺悔其意可見○
久種等者爲出離故菩提心上所修之善云
解脫分善根者也○能如等者顯聖人等如
法懺悔○若不等者是顯薄地底下之類自
力懺悔難成義也如此下機雖不能修三品
懺悔真心徹到其功全同上所言之三品隨

分如法懺悔是故今云與上同也次所引文
○又云總不論照等者觀念法門護念緣釋
是明弥陀攝取心光攝念佛人不但且餘也具
文載在第三卷末仍於其下粗註解畢次所
引文○又云如來出現等者法事讚釋此讚
略標一代說教遂勸念佛為其出要○如來
等者是依能於娑婆國土五濁惡世等之經
文○隨宜等者對機意也○或說多聞指聲

聞教或說少解約緣覺教已上小乘或教福
慧指菩薩教此是大乘加前二乘即為三乘
若依圓宗於菩薩乘又攝大小有三藏教菩
薩故也○言福惠者六度之中前五是福後
一惠也或教禪念約佛心宗故此中含大小
權實教內教外一代意也○種々等即許隨
分得度之益是就根性利者之類且所論也
於彼鈍根無智機者難得其益為之所設稱

等下原
古並有
者字

名行也是故結云無過念佛往西方也問所
云結句誠宗旨也但今除之失要須耶答一
代化儀聖道淨土轉入教旨利根鈍根潤益
次第念佛往生終窮極談文意分明而除一
句故標其由万善諸行化土業因是故廣引
上之諸句種種已下至往西方末後二句於
下別載問於下所載同是當卷二十願下所
引之也彼願即亦諸行願也何爲別乎答雖

爲植諸德本之願又說聞其名號故也次所
引文○又云等者般舟讚釋○万劫等者是
明十信一万劫之修行長遠煩惱間隔修功
難續是依瓔珞所說漸教明此義相爲令引
入觀經所說之頓教也○門々等者所引今
文中間有五十句二十五行除彼等偈如此
被引漸教難行修習說相義趣隣故今引次
之即云修功又云苦行其功相同云證法忍

云證無生其益又同而上文云六道恒沙劫未期示難行不堪今此讚云須臾命斷佛迎將勸易行頓益上下相扶令勸入也一食等者或云一念猶爲短時○貪瞋等者貪瞋是因爲能障路人天是果爲所障報言其生因五戒十善而依貪瞋障彼戒善是故不受入天善果只徒安身三惡四趣今示此義鈔大要耳次所引文○又云定散俱廻等者上於

料簡觀經序分汝是凡夫等句之下出今定散俱廻之文又於解了諸佛如來等句之下載今韋提即是之釋各加愚解可見當卷新本鈔也次所引文○論註釋者上卷所解本論真實功德相文之註釋也今引不真實功德之文翻對所顯真實功德之釋具在第二卷中次所引者安樂集文上卷釋也十二門內大文第三有四番釋其第三番亦有五番

今所引者第五番也○大集等者大集一部三十卷外有日藏分及月藏分各一十卷故云大集月藏分也○我末法者是明滅後三時之中於末法時聖道修行難得證也問本經之中未勘此文如何答取意文也此集上卷大文第一明教興由約時機下所載文也謂彼經中具顯五箇五百年間法住及以隱沒之相明說初三五百年中如次戒定及惠

堅固第四五百造寺堅固第五五百闍諱堅固白法隱沒之文意也此正文言當卷之奧重引此集有此文也問起行修道無簡別言可亘淨土何限聖道答聖道修行在戒定惠是策自力淨土得道皈功他力故綽公意深達聖道修入方軌設此釋也問聖道之教末法之中修行得果非無其證何云未有一人等乎答今釋之意少是屬無約多分歟不遑

末法少分又有諸教證也○當今等者綽公
釋也問依綽公傳大宋貞觀一十九年乙巳
入滅年八十四佛滅時代雖有異說且據一
說佛滅已來至彼乙巳一千一百九十三年
然者正像各千年內像法半也何云末法答
今所問者是依正像各千年說此是一義今
存正法五百年說如此釋也問如前答者不
遮聖道少有修證云而今釋云唯有一門唯

言遮餘何鉾鏹乎答聖道修行少分得道淨
土修行全分獲益皆蒙佛加不一而虛故云
唯也○次又云者同下卷文大門第七有兩
番內二番釋也上具文云第二段中明此彼
修道用功輕重而獲報真偽者若欲發心皈
西者單用少時禮觀念等隨壽長短臨命終
時光臺迎接迅至彼方位階不退是故大經
云十方人天來生我國若不畢至滅度更有

退轉者不取正覺此方多時具修施戒忍進
定惠已又下依經具述橫截五惡趣義其大
意云若得往生弥陀淨刹娑婆五道一時頓
捨故名橫截之文等也依繁略之○然今以
下至之願也四丁半餘百十二行私御釋也
於中爲三一自文之始至云一異之義答竟
就三經意委明信心一異之義又判諸機心
行往生差別相等二次下問答又就三經明

顯原古
並作願

隱顯義終成三經一心之義三夫濁世下爲
引所標第二十願先粗叙顯意又出願名初
段之中自初至云是也二十一行餘者粗且
三經述自解義一流深義難及短解有志與
智之後弟等且稟師傳且加料簡可領解耳
○然常没下又借大師釋義之言粗辨定散
難成之義○息慮廢惡序題門意○立相住
心像觀意也○縱盡等者華座觀釋○無相

離念以下，又是像觀意也。○言門依者，據上所引序題門釋，豎出豎超，橫出橫超，是等名義在第三本，是故愚解載彼下畢。○已顯真實行之中者，問指第二卷何釋文乎？答彼卷終舉念佛諸善，比較對論初出四十八對，已來終至于云：他力真宗之正意也。二丁有餘殊嘆淨土超勝至德，指彼等歟。○復就等者，又問或云專行，或云雜心，又云五專，此等名

目出何典？耶答強無本據，有所對故，以義名之。既云雜行，可有專行對專雜故。已云專心，可有雜心所對。同前又云雜行，可有雜心對心行，故合五種時，蓋言五專。今師處處被用如此之名目等，最以為巧。愚禿鈔中云：七深信云：六決定，又云：六即三印三無三隨順等，蓋一轍也。第二段中○此經應有顯彰等者，此經是指小經，其顯說者，只憑善本德本功

能_レ不措_レ心_ヲ於_レ利他願力_ニ勵_ス自力_ニ心_ヲ約_ス此分齊
其隱說者難信之法是則願力不思議法信
心爲本_ト是爲甚難_ト諸佛證誠其意有_レ斯故約
顯說_ニ或引_キ此經多善根文_ヲ或引_キ無過念佛解
釋前除_ス此句爲載_ス此也_ト口稱自力之行門者
二十願分說聞名故_ニ因茲今引_キ此文等也_ト○
言彰者下約隱說意所引之文所述之義深
可思擇○是以以下結其三經一致之旨又

彰信爲能入之要○大信心海甚以等者問
由佛力故令發起者何_レ入乎答得他力信
甚難故也若得他力真實信者甚應易往真
實以下下句之意顯此義也第三段者就二
十願述其大意又出得名大意可見言得名
者植諸德本不果遂者至心廻向共就經文
有此願名係念定生真源名之黑谷據此次
引文中所引願者第二十也當願意者偏憑

化生之
生原本
作土本

善本德本功力不信佛智難思他力雖然終
依係念之因令果遂也問言果遂者御廟黑
谷共判三生果遂之義令師同乎答三生之
義不可違害問當願之益爲化土者所果遂
者可爲報土往生益歟答一生聞名一生化
生一生報土如此得意果遂之益可報土耳
大經下云若此衆生識其本罪深自悔責求
離彼處即得如意往詣無量壽佛所上指彼

往詣佛所之時云果遂也問彼轉生者不改
其生何三生乎答雖不改生離三種障得三
種益義當轉生例如變易生死是也○次又
言者同下卷文是說衆生疑惑佛智信罪福
者受胎生也○此下所引就果遂益出說名
號之利諸文○次又言者三十偈文○次所
引者如來會文以不果遂說不生者所言果
遂即往生故次覺經文五言六言字數雖異

經流之
並原古
並無

文言義趣大同大經三十偈矣次觀經文至
經流通附屬佛名之佛語也次小經文至生
彼國說少善根不生之義聞說已下所說各
號執持益也次所引等宗家解釋總有九段
初定善義解經念佛攝取文釋標三經意其
文可見次所引文○又云決定深信等者散
善義釋就三經意釋深信中依弥陀經解釋
以下取要被引第三卷本由具被載三心之

十字原
古並無

釋有此文故其所引下粗加註畢仍不重解
問第三引之何重引耶答第三廣引當卷略
引又於兩卷互有除取非無異也得生之下
言乃至者又深心下四重難中至第四云推
驗明知二十丁半餘所除是也但所除內至
大益也十八丁餘第三卷本引之故除又深
心下四十餘行彼卷同除但此文云諸佛言
行不相違失縱令十字彼卷除之此卷引之

○經中說下言乃至者所云釋迦讚嘆極樂
 種々莊嚴十字是也次所引文○又云然望
 佛願等者散善義釋解下上品稱佛名故我
 來迎汝之文釋也其上文云所聞化讚但述
 稱佛之功我來迎汝不論聞經之事上已雜散
 業者聞經題者是雜行也又貪受心今浮散
 故名雜散業稱名業者是正業也攝散住心
 故不同也○如此等者此有三義一云指三

部經謂此經者即是觀經及諸部者即指大
 小二部經也二云指一代教如此經者是指
 三部諸部中者廣指諸經三云廣以一代諸
 大乘經今收淨土三部意也次所引者同流
 通釋解上所引附屬阿難佛語釋也次所引
 文三段共是事讚下釋其中初解經少善不
 生意讚次兩偈者是明五濁劫末衆生邪見
 難信意在勸發堅固信心永絕輪廻後一偈

半或載一句或載二句處々引之諸教念佛
對比勝劣簡要文也次兩偈者般舟讚文初
文○一切如來等者是明諸佛道同之義○
隨機等者是明諸教一分利益根性利者皆
蒙益也○各得等首明彼諸教終入真門爲
其益也○言乃至者門々不同八万四下九
行是也次一偈內初二句第三卷末略雖
引之今於當卷全引一偈○佛教等者是又

正明一代說教普應諸機下根修行若不成
者不可輒得常住之果故勸可入西方門也
次所引文○又云等者禮讚序釋結前專雜
二修得失釋也○千中等者問前許一二三
五往生今何相違答與棄意也與許少分棄
云無一又依教意於化土生且許一二三五
往生而自力道化益猶難故所見聞現在得
益未得其證故云千中無其一也次元照釋

生原本
作益

文意易見但就碑經問選擇集中勤載龍舒淨土文云自一心不亂而下云專持名號以稱名故諸罪消滅即是多善根福德因緣今世傳本脫此二十一字已今所用者以持爲稱又多功德三字加增又福德上有多一字字數增減相違云何答試出二義一經說不可思議功德論判真實功德相故言雖略之義必可在故云功德既是無上大利功德大

通多勝故曰爲多善根福德皆悉圓備故福德上加多字歟一於石碑本有異本歟持稱兩字即由此耳次所用文孤山疏者智圓法師小經疏也○執持等者智度論云信力故受念力故持已寂師大經義記下釋受持義云受者作心領納故持者得記不忘故已此等之釋其意皆同次大本者大經下卷流通文也佛語弥勒其有已下爲流通中有四段

也字古
本無

內第一嘆經勸學有五於其五中今所引者

四五兩段自所引初但正自上至云之難無

過此難四舉難勸信故我法下至云信順如

法修行五結勸修行第四舉難勸信之中又

分為二自文之初至亦為難是先約總若聞

已下次約別也約總之中依淨影意難值等

者生當佛時名之為值目覩稱見此皆難也

難得等者手得經卷名之為得耳聽曰聞亦

可領誦目之為得耳食稱聞此等皆難菩薩

等者菩薩勝下明其行法聞之甚難遇善知

識能行亦難明修行難約別之中難中等者

約對前三今所言者明此經中修學最難餘

義餘法處々且說開顯淨土入往生獨此

一經為是最難已上就此釋意私有所解所

謂初中至聞亦難廣約一代正為之總於其

文中如來等者於佛在世約其佛寶諸佛已

下於其滅後是約法寶菩薩等者是約僧寶
遇善等者是雖屬總帶別意歟是則此文存
淨教意其中今約起行之邊若聞已下別中
之別謂約安心得此信心難中難也結此信
行下說信順如法修行且依一流口傳宗旨
且就一分短慮領解聊以記之他不可與述
愚意耳第五結勸修行文是故等者淨
影師云言我法者舉此經法如是作者此經

宣說弥陀如來修願修行得身得土名如是
作如是說者如來為衆宣說名如是說如是
教者如來上來教人往生名如是教上義寂
師云如是作者謂神通輪令彼發心故如是
說者謂記說輪知心而說故如是教者謂教
誡輪教授教誡故比次涅槃經文是上大經
就說知識信心勝德雖為他經竊會上文即
如上來處々述之弥陀名號涅槃義故付其

內證被得合之今師已證有由者也此經所
引有其三段○如經中者是初讚說善知識
德并信心益○又言之下次說信不具足之
相令知信相○又又言下後說譬喻又嘆知
識初段可見第二段中○言是名沒々已等
者彼經第三十二卷云如恒河邊有七種人
一、人者雖沒還出出已復沒第三、人者沒已
即出出更不沒第四、人者入已便沒沒已還
出出已即住遍觀四方第五、人者入已即沉
沉已還出出已即住住已觀方觀已即去第
六、人者入已即去淺處即住觀賊近遠第七、
人者既至彼岸登上大山無復恐怖離諸怨
賊受大快樂比此是譬喻合譬意者第一闡
提第二造惡第三內九第四四果第五支佛
第六菩薩第七佛也此中今出第二人也○

云何名爲聞不等者問此所引文全載以在
第三卷末何重引耶答彼所引者其文非多
今一具文所引是多廣略爲異又第三卷以
聞具足欲顯信心當卷之中以不具足欲顯
不信兩處所引非無異耳第三段中第一真
實善知等者問已以諸佛并諸菩薩爲善知
識雖傳淨教凡夫知識難關其分更不可有
仰信義歟答尅體言之其本可在佛與菩薩

但隨相承如來教意今傳來者又即可爲善
知識也諸教相承皆以如此彼等不必佛菩
薩等何限淨教就中觀經中下已下四品知
識皆是凡夫末代劣機遇其知識可得往生
是佛意也次華嚴經文又有二段初文總說
善知識義次又別說如來大恩言大師者即
是釋迦牟尼佛也次大師釋此有四段初之
三偈及一句者般舟讚文初偈之中莫論等

者誠疑礙心勸不疑心不疑心者即信心也
○淨土等者日中禮云行者傾心常對目者
乃此意也忤者玉篇云五故切逆也廣韻云
互故切逆也○莫論等者明佛引攝與不引
攝由其迴心與不迴心○次一偈者此非其
次其中間隔七十九行讚佛等者讚弥陀恩
次下句云不蒙等弥陀故也○次一偈者中
隔一句言本師者是讚釋迦前後相并嘆二

尊也○次一句即同次也生淨土者本師力
也得生乃又報佛恩也第二段文佛世之下
此八句者初夜禮也○佛世等者經說如來
興世等意○人有等者經說聞法能行等意
自信等者經說若聞斯經等意○大悲等者
總結上來聞法能行信樂受持之勝益也傳
字與弘各依一本共不乖歟傳即傳通弘弘
通也第三段文○皈去等者第三卷末所引

用之疏定善義水觀之讚蓋一轍也彼云魔
鄉此云他鄉一字雖殊大意是同○皈家等
者日中禮云努力翻迷還本家也今此鈔本
云皈本家流布本無本之一字是異本歟云
本家者宛如禮讚云本國也縱無本字本家
義也○一切等者十地願行自然成也○悲
喜等者唱讚偈也是又頂戴二世尊恩述難
報志今此一偈雖為別段不云又云仍屬前

段第四段初○十方等者同後序文先述生
死輪迴無際然後述於難得人身難聞淨土
難發信心忽得忽聞忽發而已○真如以下
私御釋也○無念等者禮讚前序判雜修失
之解釋也十三失內初之九失於當卷始既
舉之訖今所引者彼失餘殘第十以下四失
是也○悲哉等者集主被述悲情意也○大
小等者本願嘉號蓋是如來不可思議他力

功德而准諸善爲已善根故不生信是故不
入真報土也釋意如斯久出等者萬行諸善
是聖道意雙樹林下是約觀經十九願意善
本德本是約小經二十願意乃是難思往生
心也選擇願海是大經意即難思議往生是
也○果遂等者如此展轉從假入真出方便
門入真實門即果遂願之所成也是偏今師
不共別意人不知之可仰信也○信知已下

明聖道教其利是短淨土真宗其益長也○
據經家披師釋等者觀經玄義說人門釋立
此門者是爲簡異餘人諸說唯以佛說令依
憑也於此釋文○辨說等者先標章門○凡
諸以下總舉五種起說不同所言五種本出
大論論第二云一者佛自口說二者佛弟子
說三者仙人說四者諸天說五者變化說已
論與今釋開合異也論開仙天以爲兩說不

今字古
本作人

立鬼神是則仙者雖有內外共是人類天者
六欲及以四禪是皆天道入天異故開爲二
種不立鬼神諸天皆兼八部鬼神是故攝天
不別立之釋合天仙共備五通德相似故不
別立之別立鬼神諸經之中正有其說謂如
法花十羅刹女藥師十二神將等也故別立
之論說釋義各有其由○余者以下一行餘
者聖人私結正明不依四種權說唯可依用

佛自口說三經說也問說人門釋有其三段
初先總舉五種起說今之所引是初段也次
明今經爲佛自說所謂下云今此觀經是佛
自說八字是也後問曰下問答料簡明其說
處所爲等也第三問答縱雖存略第二文段
最可引之初舉五說爲明其中今經正是爲
佛說也而略其文似忘所詮其意如何答如
此引文廣略隨時依略彼文私被加詞正述

釋意此有二意一彼釋雖言是佛自說不言
四種不足信用但雖不言其意顯然故探釋
意如此被釋非無由歟二彼釋只云今此觀
經不且三經故以佛說爲通三經私有此釋
是非自由三部同標佛說故也次大論文四
依之釋其意顯著不能委述依義之下如人
等者以指譬語以月喻義玄悟之實直介看
月不見指也依了義下有一等者了不了義
諸經異說諸宗所談領解雖區今教之宗唯
以佛說爲了義經此論灼然大經下云如來
智惠海深廣無涯底二乘非所測唯佛獨明
了已弥陀五智深奧之理二乘五乘非其境
界是故今談菩薩等說不足信用以此義故
了義經名被佛說也深心釋云除佛已還智
行未滿在其學地由有正習二障未除果願
未圓此等凡聖縱使測量諸佛教意未能決

了雖有平章要須請佛證爲定也。比○一切
衆中比丘等者問除佛已還皆非所信如今
釋者可用之耶答所信用之佛自口說了義
經者約所說理今比丘僧第一等者無佛世
時約其形骸所判之也○余者以下又私御
釋結知四依可修法行又明淨教相應末法
五濁之機慥可得道廣引大文被勸人也次
綽公釋安樂集文所引有四初然修道之身

大原古
並作本

等者下卷之文大文第五有四料簡其中一
沉明修道延促文也○逕一等者是指十信
外凡退位○證不退者是三賢位凡不退
○當今等者信外常沒凡夫類也第二有明
教興等者上卷大文第一初文○勸飯等者
淨土之下若機之上有若教起時機易修易
悟九字又難入之下正法念上有是故字是
等之字依非至要各被除歟所引經文其意

起原古
並作赴

今原古
並作爾

可見次月藏文此集爲證聖道難證引此經
時云我末法時中等文依今經說取意文也
○計今以下綽公私釋此釋之上又引同經
明佛出世有四種法化度衆生一者說經二
者光明三者神通四者名號引此經意其後
結云今時等也○即當等者綽公在世依爲
第四五百年中如此釋也第三下卷第六大
門有三番中第三段也言此經者即是大經
大經即是念佛選擇集云此經止住者即念
佛止住也上蓋此義也次大集文大文第三
小科載之當卷之初雖引此文各依至要不
憚重引被載之歟○尔者以下私御釋也○
至我等者下所被引末法燈明記兩說內周
異記意佛涅槃後至我延曆二十年辛巳一
千七百五十歲也就之勘之自同二十一年
壬午至于元仁元年甲申四百二十三箇年

也仍佛涅槃至件甲申二千一百七十三年而云八十其八之字書生誤歟宜云七也○已以等者且依正法五百年說若依此說欽明天皇治十五年貴樂二年壬申之曆始入末法自其壬申至此元仁元年甲申六百七十三箇年也而云八十其八之字誤又同前宜云七也若依正法千年說者後冷泉院御宇永承七年壬辰始入末法自彼壬辰至此

元仁元年甲申一百七十三箇年也以次檢之自彼元仁甲申翌年嘉祿元年乙酉之曆今至延文五年庚子一百三十六箇年也故佛涅槃迄于當年庚子二千三百九箇年也○披閱等者自此已下至當卷終但六本也悉是末法燈明記文作者最澄謚號傳教山家大師本書位署即云傳教大師作集是則後人所安之此書是演佛法王法治化之理乃明

真諦俗諦相依之義，又正像末三時異故，機有利鈍，故於一法皆有讚毀，互有取捨。如此事等具以明之，一一文言不能具解。引用意者，此記之意能修之機，所學之教機教相順，可獲益，故具明末世五濁衆生無戒放逸，修行難立，故引相勸淨教修行，偏欲令知一稱佛名，一生信者所作功德終不虛也。○於中等者三段總標。○初決以下其別釋也。○大

乘基者法相祖師慈恩大師窺基是也。○賢劫經者舊云賢劫三昧經也，有十三卷或爲十卷，法護譯之於正像法時節，延促雖有多說，常存二說。一正法像法各一千年，二正法五百像法千年，故正法時是異說也。而基師意今依正法五百之說，引賢劫經成此義也。○此千五百年者，本書於年字下有後一字，有異本歟，有彼字本最叶理歟。○准餘等者

賢劫經外指餘經說是依諸說雖可滿足正

法千年依許女人出家得度減其半分爰千

年義云尼以修八敬不減而今言尼不順等

者若修八敬雖不可減云不修故不更增也

○不依彼者言是不依八敬而已○言八敬

者律名旬云一百歲尼禮初夏比丘足二不

得罵謗比丘三不得舉比丘罪說其過失四

從僧受戒五從僧出罪六半月求教授七依

僧安居八依僧自恣比又引涅槃證末法中

持法不滅菩薩所堪不關凡愚是故今云據

上位等○亦不同者同字是又異本為用同

字用字各有一途若依同字是云菩薩凡夫

不同若依用字不被凡夫言凡愚輩更不慣

彼上位菩薩持法意也○次千五百年問答

答中○大迦葉等七賢等者問案附法藏馬

鳴以前有其十人謂大迦葉阿難尊者商那

和修優婆塞多并提多迦與彌遮迦佛陀難
提佛陀密多與脇比丘及冒那奢比丘是也
云何言爲七賢聖乎答其數誠尔今試推之
是應非云七人賢聖蓋顯其位云登七賢七
聖人歟○至六百年九十等者馬鳴菩薩附
法藏中第十一代之祖師也即冒那奢比丘
弟子今依摩訶摩耶經意彼經說云如來滅
後六百歲已九十六種六種五種是異說也諸外道等

邪見競起毀滅佛法有一比丘名曰馬鳴善
說法要降伏一切諸外道輩比○七百年中
龍樹等者龍樹又是附法藏中比羅比丘第
子第十三代祖師亦同經云如來滅後七百
歲已有一比丘名曰龍樹善說法要滅邪見
懂燃正法炬比○一千年中開不等者智者
雖說不淨觀意多欲之人著愛境故不能信
受還起瞋也但開與聞有其異本開據能化

教此觀意開演義也聞約所化聽聞意也○
爰曰千五百年等者本書之中無爰曰字有
異本歟○拘駸弥者第二之字或駸或駸本
有異歟駸玉篇云忒冉切暫視貌廣韻云失
滌切暫見上巳於駸字者未勘見之又此國名
俗用陝音旁以駸字可爲正乎次大集經第
五十一安樂集判末法時中聖道難證依此
經文於末法時無戒定惠三學故也○基般

若會釋云等者問上出此文重累如何答上
定正法像法時分兼示不言末法時代今前
不言末法時分約法滅盡但雖法滅非無末
法爲顯此義重引用之所引異故無其過也
上人此鈔不痛再用宜爲准據○次問答中
佛滅時代舉兩說中可用何耶答只舉兩說
不判殿最何是何非難輒用捨但我聖人依
周異記上云如來涅槃時代周第五主穆王

文原古
並作又
又古本
作文

壬申至我元仁勘其年記既結二千百餘故
也將文匪帝聖人用之常途所用大略亦同
次大集又問此文唯云佛涅槃後不指時分
何證末法無戒義耶答文段前後未廣檢之
山家高覽不可成疑定於末法說此義歟只
所引文不具而已次問答下當云次定破持
僧事之文段歟當段之中問答有四今初重
也此問意云佛教不聽破戒况無戒哉而立

疵原古
並作瘡

末法無戒義者今時僧侶既非世寶不足受
供何表過也○豈無等者以警責之他不加
疵豈自傷之言無益也今見本書豈與無中
有非一字本有異歟對有此字其意易得但
雖無之讀其文點無所違歟答意趣者三時
行事經說無私妄存邪活豈枉正理但受世
供更非虛受末法之中名字比丘爲世寶故
非可痛也第二重問就云前答末法比丘名

文原古
並作又
又古本
作文

壬申至我元仁勘其年記既結二千百餘故
也將文匪帝聖人用之常途所用大略亦同
次大集又問此文唯云佛涅槃後不指時分
何證末法無戒義耶答文段前後未廣檢之
山家高覽不可成疑定於末法說此義歟只
所引文不具而已次問答下當云次定破持
僧事之文段歟當段之中問答有四今初重
也此問意云佛教不聽破戒况無戒哉而立

疵原古
並作瘡

末法無戒義者今時僧侶既非世寶不足受
供何表過也○豈無等者以譬責之他不加
疵豈自傷之言無益也今見本書豈與無中
有非一字本有異歟對有此字其意易得但
雖無之讀其文點無所違歟答意趣者三時
行事經說無私妄存邪活豈枉正理但受世
供更非虛受末法之中名字比丘為世寶故
非可痛也第二重問就云前答末法比丘名

字爲上問其說也依之其答出大集經第九卷文文意可見第三重問涅槃經明供破戒僧失現當益况無戒乎又引大集雖證可尊名字比丘同經之中又有相同涅槃之說仍問一佛所說之中讚毀異也答意趣者制許隨時制破戒者約正法時許名字者是約像法及末法也第四重問就前所立問其據也答中出證於重々義有其十三一以前所引

大集經說即先爲證二涅槃第三此文之中所略有三初丘尼下有破之上言乃至者有二行餘其闕文云優婆塞優婆夷是諸國王大臣及四部衆應當勸勵諸學人等令得增長上定戒智惠若有不學是三品法懈怠有破戒等也○次功德下是我之上言乃至者有一行餘其闕文云當無有小罪我涅槃後其方面有持戒比丘護持正法見壞法者即

能駭遣呵嘖戀治比○後無量下如是之上
言乃至者所除文言有六行餘其中前涅槃
文殘一行餘三大集經文第二十八一行有
餘四同三十八二行有餘彼此文云若善比
丘見壞法者置不可嘖當知是人佛法中怨
又大集經二十八云若有國王見我法滅捨
不擁護於無量世修施戒惠悉皆滅失其國
內出三種不祥事乃至命終生地獄又同經

三十一云佛言大王寧守護如法比丘一人
不護無量諸惡比丘今我唯聽二人賞護一
羅漢具八解脫二須陀洹人比五涅槃第七
此文之中○如是之下聽諸之上言乃至者
所略文言有三行餘其闕文云化作本書此
二字上
如是二
字不見須陀洹身乃至化作阿羅漢身及佛
色身魔王以此有漏之形作無漏身壞我正
法是魔波旬為壞正法當作是言佛在舍衛

闕原古
並作闕

國祇陀精舍。比問引此經已解釋中云。八不
淨物。指何物乎。答上經之中所言。奴婢僕使
等。數奴婢爲一。僕使爲一。牛羊象馬。分而爲
四。銅鐵雖異。釜鍍爲一。大小雖別。銅盤爲一。
合八種也。六同經第六。但舉經名。不載言句。
其現文云。佛告菩薩。言善男子。譬如迦羅林
其樹象多。闕菓乃有九分。是人不知。賣來詣
市。而銜是林中。唯一樹名。鎮頭迦。是迦羅
樹。與鎮頭迦樹。二菓相似。不可分別。其菓熟
時。有一女人。悉皆拾取。鎮頭迦菓。載唯一
分。迦羅迦賣之。凡愚小兒。復不別。故買迦羅
迦菓。噉已。命終。有知人。輩聞是事。已即問女
人。姉於何處。持是菓來。是時女人。即示方所。
諸人即言。如是方所。有無量迦羅迦樹。唯一
根。鎮頭迦樹。諸人知之。已笑而捨去。善男子
大衆之中。八不淨法。亦復如是。於是衆中多

受用如是八法唯有二人清淨持戒不受如

是八不淨法而知諸人受畜非法然而同事

不相捨離如彼林中一鎮頭迦樹上七十輪

經文八又同經文九大集經文第五十二十

賢愚經文十一又同經文此文之中所印也

下言乃至者此經文殘有三行餘其終文云

是人猶能為諸人天示涅槃道是人便已於

三寶中心生敬信勝於一切九十五種外道

其人必能速入涅槃勝於一切在家俗人唯

除在家得忍人是故天人應當供養已次大

悲經十二番也本書所引經名之上有又一

字此經文終法界故下言乃至者維摩經文

十三番也經名文言合一行餘其現文云次

維摩經云佛十號中聞初三號佛若廣說經

劫不盡已問多文之中除此經文有何故乎

答上諸文者皆證像未貴名字僧其義分明

故具引之今讚佛號其義聊異故且略耳問
如此義者本書何煩引此文乎答上說名字
比丘行狀嘆諸沙門一稱佛名功德不虛此
經亦說佛號德故為助其義所引用也抑後
舉教比例之中出五經文但舉經題皆略其
文是依文繁讓本書歟然而為令後學易見
偏任本書重牒經名悉以載之其具文云且
如像法決疑云若復有人雖造塔寺供養三

寶不生敬重請僧在寺不供養飲食衣服湯
藥返更乞餓噉僧食不問貴賤一切專欲於
眾僧中作不饒益侵損惱亂如此人輩永墮
三途今見俗間盛行此事時運自尔非人故
尔擅越既無擅越志誰得誹僧無僧行又遺
教經云一日乘車馬除五百日齊當代行者
之罪何呈持齊之德又法行經云我弟子若
受別請不得國王地上行不得飲國王地水

統原本
作統

五百大鬼常遮其前五千大鬼常從罵言佛法大賊鹿母子經云別請五百羅漢猶不得名福田若施一似像惡比丘得無量福當代道人已好別請何處殖福持戒之人豈加之既不踐王地上亦不許飲王地水五千大鬼常罵大賊嗟乎持戒僧罪何於其改過乎又仁王經言若我弟子爲官所使非我弟子立大小僧統共相攝縛當余之時佛法滅沒是爲破佛法破國因緣云推仁王等拜僧統以爲破僧之俗彼大集等稱無戒以爲濟世之寶豈留破國之蝗遂弄保家之寶須不分二類共食一味僧尼不絕跡鳴鐘不失時然乃允末法之教令有國之道也

六要鈔第六
舊本
新末

六要鈔第六

四

六要鈔第六

舊末

於當帖中有標有文標有總別言總標者初
云夫據以下一行二字是也言別標者於諸
文上所題經論解釋名也今此別標上來諸
卷皆以安之於當帖者總標之外流通以前
更無私詞只廣引用諸文而已是故短慮弥
迷文義但荆溪云得文大旨不暗元由上一
一文言不能委解且非自宗心行大要只粗

慮古本
作解

推知所引梗概可仰祖意其祖意者乃顯總
標即是勘決真偽已下其意明也若依佛教
云真云正若依外教云邪云偽而或依外不
信內教縱依佛教宛貶真宗縱入真門不專
一行或加諸行或住雜心如此心行尋其本
心起自佛智疑惑迷心縱離邪教不出化土
胎生因故當卷明之勸當捨之以此爲詮先
涅槃文即出經名是別標也已下皆同○言

終不更皈依等者問天地神祇世之所貴何
誠之乎答皈依佛陀者釋教軌範崇神明者世
俗禮奠內外別故法度如此是則月氏晨且
風教所崇之神多邪神故皈依三寶者不得事
之故俱舍云衆人怖所逼多皈依諸仙園苑
及藁林孤樹制多等此皈依非勝此皈依非
尊不因此皈依能解脫衆苦上聖道修行既
有此制況於一向專念倫哉是故善導大師

變原古
並作反

臨終正念，決云問神祇禍福，求禱如何，答人
命長短，生下已定，何假鬼神延之？耶世人迷
惑，及更求邪殺害眾生，祭祀神鬼，但增罪業，
倍結怨讎，變損壽矣。大命若盡，小鬼奈何，空
自悻惶，必無所濟。切宜謹之，已是等皆誠事。
邪神者，有損無益於權社者，非此限歟。就中
我朝是神國也，王城鎮守諸國，擁衛諸大明
神，尋其本地，徃古如來法身，大士不可相同。

異域邪神，和光素意，本在利物，且酬宿世值
遇善緣，且依垂迹，多生調熟，今皈正法，欲出
生死，思其神恩，不可忽緒。雖然，欲專一心一
行，稱念結緣，猶且閣之一宗，廢立大師，定判
更非不信，彼利生等，只守專念專修之儀，依
此專念生淨土者，諸上善人，俱會一處，其說
明故，聖衆俱會，不可疑惑。一切諸佛共所護
念，其益不空，雖不別念蒙其利益，故念彌陀。

必得諸佛菩薩冥護為其垂迹天神地祇又不可違本地聖慮故專一心唯念一佛以之為要於彼諸神本地等者深致信伏不可忽緒次般舟文○優婆夷者舉對告人○聞三昧者念佛三昧○皈命等者即弥陀界之三寶也○言鬼神者所言之鬼是邪神也○言不得視吉良日者吉凶禍福本是妄情之分別也學佛教人不足措心故顯其義但案事

案古本作安

情縱於內心雖信佛法其身未棄俗塵之類准世守禮入境問風可謂神妙於內心者信知之旨全不可及動轉者歟次同經文其意同前次日藏經所引有三一第八卷魔王波旬星宿品文於中有三初尔時下至已說竟二十八行餘是明安置大小星宿又分時節安穩衆生次又復下至慮虱叱一十行餘是明安置四大天王并鬼神等致令擁護後次

法苑珠林卷第六十四

復下至盡當文三行餘者明未來記二第九
卷念佛三昧品第十文於云乃至言廣博故
非至要故不及勘載所除之文今就所引現
在之文私分為九一尔時已下八字是明結
前生後二彼衆之下至不能得須臾為害五
行餘者是明魔女皈佛世尊即自具述聞名
見佛聞法之德三如來之下至說偈言一行
餘者是明同女欲往佛所為父說偈次乃至

者即偈頌也略始出終謂修學下至還如佛
一四句偈是其文也四尔時之下至菩提心
一行餘者是明諸餘魔女眷屬聞偈發心五
是時之下至畏憂愁一行餘者是明魔王見
彼發心忽生瞋憂六是時之下至菩提果五
行餘者明諸魔女為重說偈若有以下至不
能壞七言八句我等以下一四句偈是其文
也七尔時之下至坐宮內一行餘者是明魔

王重倍瞋怖八是時之下至四梵行一行餘
者是明菩薩聞佛說法諸衆生等盡得斷惑
修善之益九應淨之下至盡當文五行餘者
是明正念觀察方軌又說念佛見佛益也此
文之中○小念見小大念等者選擇集中引
此經文加私詞云感師釋云大念者大聲念
佛小念者小聲念佛故知念即是唱也上三
同第十卷護塔品文是明波旬說偈懺殃乞

佛攝受長飯佛法分文爲五一時魔之下至
如是偈一行餘者明魔及衆共至佛听欲說
得意二三世之下至如來法三行餘者七言
八句正偈頌也三時魔之下至悲含忍一行
餘者魔說偈後爲我及生重乞攝受四佛等
四字佛印可也五時魔之下至盡當文二行
餘者是結魔王大生歡喜清淨之心無厭足
也○次日藏經所引有八一第五卷諸惡鬼

日原古
並作月

神得敬信品第八上文明依遠離邪見因緣
速滿六度得菩提也分文為三一諸仁者下
至云為十一行餘者先標離邪有其十種次
明徵問二一者以下至生善道六行餘者正
舉其數三以是之下至盡當文四行餘者明
其益也二第六卷同品下文分文為二初佛
出下至常速知三行餘者五言偈頌十二句
也說十平等明諸智者常速可知次尔時下

至盡當文三行餘者對諸惡鬼明得彼報之
因緣耳三第六卷諸天王護持品第九之文
廣說天王諸天仙等護持養育四天下相分
文為二一自文初至正法燈七十五行是明
世尊大梵問答二尔時佛告月藏下至盡當
文五丁餘者是明佛告月藏菩薩賢劫四佛
以四天下付屬梵釋四天等相又明世尊大
梵問答以下重重所說之義初中有二初尔

時之下至持養育一行餘者世尊問也次時
娑婆下至欲隨喜六十四行十二字者梵王
答也後佛言之下至盡當文八行餘者又明
佛說二中有六一初十四字先標梵答二大
德以下至瞿陀尼五行餘者明堯率陀他化
自在化樂天王須夜摩天此等空居四大天
主各與無量我天子等如次護養北東南西
四大州也三大德之下至西瞿陀五行餘者

明毗沙門

此云多門

提頭賴吒

此云持國

毗樓勒叉

此云

增毗樓博叉

此云廣目

此四天王各與眷屬如前

次第護養四州四大德之下至瞿陀尼三十

二行是明二十八宿之中所當七宿七曜之

中所當三曜十二辰中所當三辰十二天童

女中各三亦如前次護養四州宿曜辰各皆

見本文此中二十八宿配當梵漢有異月氏

配當依佛經說震且所列世俗說歟弘決十

云如摩瞪伽中又有蓮華實婆羅門問帝勝
伽言汝知星不答言蜜要猶知况此小術廣
說二十八宿及七曜等然經列四方星與此
有稍異此方者西方七奎婁胃昂畢觜參南
方七井鬼柳星張翼軫東方七角亢氐房心
尾箕北方七斗牛女虛危室壁經所列者西
方從昴星終至柳星如此遞遷一方各七是
地七異故已摩瞪伽經與今所舉日藏說同

爲示兩說今出文也五大德之下至持養育
十二行餘是明別於此閻浮提十六大國四
大天王各領四國護持養育六大德之下至
欲隨喜八行餘者是明梵王引古結上請佛
於此分布安置諸鬼神等護持養育三中爲
三初十字者明佛印可次余時下十三字者
明欲說偈後示現下七行一字正是五言二
十四句其偈頌也總說上來問答事耳二中

不取抄卷六目末

作護持
古本作
應如是

爲二初尔時下十二字者先明告命次了知
下是正說也於中有七一自文之初至持養
育五十行者是明賢劫四佛付屬二尔時世
尊復問之下至作護持二十一行餘是明世
尊大梵問答初二行餘是世尊問時娑婆下
梵王答也此答有三初過去下至作護持一
行餘者正答佛問次而我下至云大衆亦願
容恕六行餘者大梵謝過後我於下十行餘

者明梵王述由蒙過去三佛教勅今佛勅故
於三寶種不令斷絕誓可遮障惡行衆生護
養行法衆生三佛言以下十三字者明佛印
可四尔時佛告百億之下至切種智二十四
行是明世尊勅大梵王說可遮止邪見衆生
令住善法致護養者汝滿六度速成種智五
時娑婆下至應如是四行餘者是明大梵領
受佛勅世尊印可梵言六尔時已下至趣善

乃原古
並作及

道三行餘者明諸菩薩諸大聲聞及諸衆等
 讚如來德七介時已下至盡當文十五行餘
 是明世尊重說偈頌宣如上事初十三字明
 欲說偈我告以下所謂五言四十八句其偈
 頌也四同第七卷諸魔得敬信品之文任乃
 至言且分為三初介時下至無所乏六行餘
 者是明諸魔於世尊前發護持誓次於此下
 至佛正法七行餘者是明三佛乃今世尊降
 伏諸魔護持正法後一切下二行餘者明諸
 天衆咸發護法息災誓也五同卷提頭賴吒
 天王護持品文初明佛勅日月天子說汝護
 持我佛法者當與得壽除災之益後明百億
 四天王等同於佛前領受佛勅六同第八卷
 忍辱品文分文為四一初十字者明佛印可
 對告所言二若有愛下一行餘者是明厭苦
 欣樂之機護持佛道當得福報三若有衆下

六

一行餘者明出家者被涅槃印四若復出下
五行餘者明以非法致種々之惡行衆生斷
三寶種墮地獄也七同品之文是明天龍以
下雜類皆於佛前說言我等護出家人與諸
所煩令惱亂者宜擯罰也八又同品文是明
當離占相妄情修習深信正見義耳問大集
諸文上來所用有何要耶答引用意趣輒以
難測但以短慮加愚推者世尊既對諸天乃

至龍神八部勅而付屬四大天下彼等之輩
又於佛前領納佛勅言令善人念持守護若
惱亂者忽以擯罰令造惡人住善法等其義
灼然以之思之諸善猶然况念佛人蒙其護
益敢不可疑然者守其不事諸天等說闍之
一心念佛自預彼諸天龍神等護持養育措
而不論仍勸專念爲正一心被引之歟又背
專念事彼諸天龍神等者縱交念佛依爲雜

修其益可爲胎生之故爲示其義當卷之中
被引之乎○次首楞嚴文今此經者禪門所
依豎起法門直達要路然而依爲自力修行
進道難知得悟叵測解行若乖工夫未熟魔
障動侵退緣易競且由根機利鈍差別且就
練行苦修厚薄直悟成否定依人數魔境難
伏在文炳然修道之人誰以不恐而我真宗
雖爲具縛造惡劣機被佛加故不恐魔惱誠

是他力不思議也故引用意爲令識知他力
一門無魔燒也次灌頂經文問三十六部之
神王者指何等乎答雖有異說依一義者三
十六禽是其躰也言其躰者止觀八云十二
時即有三十六狩寅有三初是狸次是豹次
是虎卯有三狐兎貉辰有三龍蛟魚此九屬
東方木也此九物依孟仲季傳作前後也已
有二蟬鯉蛇午有三鹿馬麋未有三羊鴈鷹

此九屬南方火也申有三狔猿猴酉有三鳥
鷄雉戌有三狗狼豺此九屬西方金也亥有
三豕狗猪子有三猫鼠伏翼丑有三牛蟹鼈
此九屬北方水也巳若時媚鬼妨坐禪時正
知其時喚名消去是故止觀出此名也雖爲
障法之魔眷屬明還守護三皈人也問今文
全非守念佛人之誠證哉如何答既云三皈
皈佛其首何言無之六念所剋偏在專念阿

彌陀佛故觀念法門證護念緣引彼經說彼
所護人言持三皈五戒之人此所守人唯言
三皈彼能護人六十一人此能護人三十六
王廣畧雖異彼此是同次十輪經所引二段
次集一切福德三昧經所說義趣其意大同
次藥師經所引兩段初文是明備皈三寶不
事其外之餘天等故次下云唯當一心皈佛
法僧上已後文是明若信世間妄說邪教現世

當來有損無益所言損者九橫難也今文不
具引前後示其說相所謂彼經說有九橫
其初橫中說爲二重今所引者第二重也其
初重云有諸有情得病雖輕然無醫藥及看
病者設復遇醫授以非藥實不應死而便橫
死上已今之所引○又信等者即同次下第二
重也言乃至者是除初橫結文以來其下七
橫彼具文云是名初橫二者橫被王法之所
誅戮三者敗獵嬉戲耽淫嗜酒放逸無度橫
爲非人棄其精氣四者橫爲火焚五者橫爲
水溺六者橫爲種々惡獸所噉七者橫墮山
崖上已八橫次下所引文也又中害下有第九
橫即其文云九者飢渴所困不得飲食而便
橫死是爲如來略說橫死有此九種上已次菩
薩戒經文意易見次佛本行集經之文問今
引此文有何由耶答今引用意舉本外道聲

聞衆等皈佛法時捨彼邪教爲例真宗念佛
行人勿依外法被引之也三迦葉者是兄弟
也一云優樓頻螺迦葉二云那提三云伽耶
天台釋云三迦葉兄弟有千弟子共起刹今
連枝也巳本是祀火婆羅門也後棄邪法皈
佛正法釋尊成道第一年時先度五人頻鞞
跋提十力迦葉狗梨太子釋摩男也第二年
時度三迦葉今兄弟也第三年時度舍利弗

目犍連也次起信論文是示衆生無善根者
爲諸魔等所狂惑相末代行者不謂顯密教
內教外自力修行未達淺機不免此障依之
聖道諸經論等教示佛法修習方軌先誨降
魔之用心等而淨土教會不言魔蓋以此法
無魔障也故元照師觀經疏中引山陰釋解
說此事彼釋被引第二卷中仍鈔新末粗記
注訖此論說意與上所引首楞嚴同他力行